



## **JADUAL KHUTBAH JUMAAT SIRI 2/ 2022**

**(Bulan Februari 2022)**

| <b>Bil.</b>          | <b>Tajuk</b>                        | <b>Tarikh</b>                                | <b>Muka Surat</b> |
|----------------------|-------------------------------------|----------------------------------------------|-------------------|
| <b>1.</b>            | <b>WIRA UMAT TAK DIDENDANG</b>      | <b>4 Februari 2022M/<br/>2 Rejab 1443H</b>   | <b>3</b>          |
| <b>2.</b>            | <b>KERJAYA ADALAH GUDANG PAHALA</b> | <b>11 Februari 2022M/<br/>9 Rejab 1443H</b>  | <b>8</b>          |
| <b>3.</b>            | <b>PERKUKUH INSTITUSI TAHFIZ</b>    | <b>18 Februari 2022M/<br/>16 Rejab 1443H</b> | <b>13</b>         |
| <b>4.</b>            | <b>CURANG DI LEMBAH REZEKI</b>      | <b>25 Februari 2022M/<br/>23 Rejab 1443H</b> | <b>18</b>         |
| <b>KHUTBAH KEDUA</b> |                                     |                                              | <b>23</b>         |

Percetakan dibiayai:



**زكاة قولاو فينغ**

No Telefon: 04-549 8088

---

***Jawatankuasa Panel Semakan Teks Khutbah  
Negeri Pulau Pinang***

---

- 1. SS Dato' Seri Dr. Haji Wan Salim bin Wan Mohd Noor  
(Pengerusi)**  
Mufti Kerajaan Negeri Pulau Pinang
  
- 2. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
  
- 3. Ustaz Rosli bin Othman**  
Ketua Sektor Pendidikan Islam,  
Jabatan Pendidikan Negeri Pulau Pinang
  
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
  
- 5. Ustazah Rohayati binti Daud**  
Penyelaras Program Intervensi Kaunseling,  
Universiti Sains Malaysia
  
- 6. Ustaz Mohd Salmi bin Shaimi**  
Guru, Madrasah Irshad Al-Ashraf Al-Wataniah, SPS
  
- 7. Ustaz Subki bin Mohamed**  
Pensyarah, IPG Kampus Tuanku Bainun
  
- 8. Ustaz Mohd Hanif bin Omar @ Wahab  
(Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)





## Kerjaya Adalah Gudang Pahala

(11 Februari 2022M / 9 Rejab 1443H)

الْحَمْدُ لِلَّهِ الَّذِي حَثَّنَا عَلَى الرُّقِيِّ فِي مَدَارِجِ الْكَمَالِ، وَالْإِتْقَانِ فِي أَدَاءِ الْأَعْمَالِ،  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ الْحَقُّ الْمُبِينُ، وَأَشْهَدُ أَنَّ سَيِّدَنَا  
مُحَمَّدًا عَبْدُهُ وَرَسُولُهُ، الصَّادِقُ الْوَعْدِ الْأَمِينُ.  
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ  
بِإِحْسَانٍ إِلَى يَوْمِ الدِّينِ. أَمَّا بَعْدُ. فَيَا عِبَادَ اللَّهِ! اتَّقُوا اللَّهَ حَقَّ تَقَاتِهِ وَلَا تَمُوتُنَّ  
إِلَّا وَأَنْتُمْ مُسْلِمُونَ.

### SIDANG JEMAAH YANG DIRAHMATI ALLAH SEKALIAN,

Saya menyeru kepada diri sendiri dan sidang jemaah sekalian, untuk meningkatkan ketakwaan kepada Allah, dan sentiasa beramal soleh. Allah *سُبْحَانَهُ وَتَعَالَى* berfirman dalam Surah Saba` ayat 10-11 yang bermaksud: “*Dan sesungguhnya telah Kami berikan kepada Daud kurniaan dari Kami. (Kami berfirman), "Hai gunung-gunung dan burung-burung, bertasbihlah berulang-ulang bersama Daud, (Sertakan wahyukan kepadanya): "Buatlah baju-baju besi yang luas labuh, dan sempurnakan jalinannya sekadar yang dikehendakinya; dan kerjakanlah kamu (wahai Daud dan umatmu) amalan-amalan yang soleh. Sesungguhnya Aku Maha Melihat akan segala yang kamu kerjakan."*

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih



ganjaran pahala. Mimbar pada hari ini membicarakan khutbah bertajuk: **“Kerjaya Adalah Gudang Pahala.”**

## SIDANG JUMAAT SEKALIAN

Mimbar ingin memetik satu kisah di antara Rasulullah ﷺ dan Zaid bin Thabit. Rasulullah merupakan seorang yang sangat prihatin. Baginda seringkali membuka peluang dan mengasah bakat para sahabat walaupun umur sahabat pada ketika itu masih muda belia. Suatu hari Rasulullah mendatangi Zaid bin Thabit, yang baru berumur 11 tahun. Kisah ini berlaku ketika umat Islam baharu sahaja berhijrah ke Madinah dan berjiran dengan bangsa Yahudi. Baginda Rasulullah sangat memerlukan seseorang yang memahami bahasa Yahudi dengan baik. Mempelajari bahasa asing demi sebuah masalah (mengelakkan dan dari tipu daya musuh-musuh Islam), maka ia dibolehkan. Ini berdasarkan kepada sebuah sirah Nabi Muhammad ﷺ bersama para sahabat iaitu:

قَالَ زَيْدُ بْنُ ثَابِتٍ أَمَرَنِي رَسُولُ اللَّهِ ﷺ فَتَعَلَّمْتُ لَهُ كِتَابَ يَهُودَ وَقَالَ : إِنِّي وَاللَّهِ مَا آمَنُ يَهُودَ عَلَى كِتَابِي " فَتَعَلَّمْتُهُ فَلَمْ يَمَرَّ بِي إِلَّا نِصْفُ شَهْرٍ حَتَّى حَذَقْتُهُ فَكُنْتُ أَكْتُبُ لَهُ إِذَا كَتَبَ وَأَقْرَأُ لَهُ إِذَا كَتَبَ إِلَيْهِ.

Maksudnya: Zaid bin Thabit berkata, “Rasulullah ﷺ memerintahkan aku untuk mempelajari tulisan orang-orang Yahudi. Lalu aku mempelajari penulisan orang-orang Yahudi untuk beliau. Zaid berkata, “Demi Allah, sungguh aku tidak merasa aman kepada orang-orang Yahudi terhadap tulisanku. Lalu aku mempelajarinya dan dalam tempoh setengah bulan aku telah menguasainya. Lalu aku menuliskan untuknya apabila beliau (ingin) menulis dan aku membacakan untuknya jika beliau mendapat surat.”

(Hadis riwayat Abu Daud)

Melalui hadis ini dapat difahami bahawa ruang ibadah umat Islam bukan hanya tertumpu kepada ibadah khusus semata-mata, malahan banyak lagi ruang



ibadah fardhu kifayah yang masih kosong dan perlu diisi oleh orang-orang Islam. Kita dapat mengetahui bahawa Zaid bin Tsabit رَضِيَ اللَّهُ عَنْهُ bekerja sebagai penterjemah. Sebuah kerjaya yang merupakan satu amal soleh iaitu dengan menginfak tenaga fizikal dan mental kepada agama dan umat. Sebagaimana firman Allah SWT dalam surah Saba' ayat 39:-

قُلْ إِنَّ رَبِّي يَبْسُطُ الرِّزْقَ لِمَن يَشَاءُ مِنْ عِبَادِهِ وَيَقْدِرُ لَهُ وَمَا أَنْفَقْتُمْ مِّن شَيْءٍ فَهُوَ يُخْلِفُهُ وَهُوَ خَيْرُ الرَّازِقِينَ ﴿٣٩﴾

Maksudnya: “Katakanlah (wahai Muhammad): Sesungguhnya Tuhanku memurahkan rezeki bagi sesiapa yang dikehendakiNya di antara hamba-hambaNya dan Dia juga yang menyempitkan baginya; dan apa sahaja yang kamu dermakan maka Allah akan menggantikannya dan Dialah jua sebaik-baik Pemberi rezeki.”

## SIDANG JUMAAT YANG DIRAHMATI ALLAH SEKALIAN

Daripada kisah Zaid bin Tsabit tersebut, dapatlah kita fahami bahawa Allah سُبْحَانَهُ وَتَعَالَى telah mengurniakan ilmu, bakat dan kemahiran kepada manusia sebagai amanah untuk memakmurkan muka bumi ini. Oleh itu, gunakanlah bakat dan kemahiran yang dianugerahkan bagi memenuhi tuntutan fardu kifayah dan keperluan umat Islam. Dengan kepelbagaian bakat dan kemahiran yang dimiliki oleh umat Islam ia akan menjadi titik tolak ke arah terbentuknya masyarakat Muslim yang berwibawa.

Hadis yang sama juga mengajar kita menjadi seorang pekerja muslim yang berkompentensi, agar mutu kerja kita mempunyai nilai yang tinggi dan berkualiti. Sebagaimana firman Allah سُبْحَانَهُ وَتَعَالَى dalam surah Al-Qasas ayat 26:

قَالَتْ إِحْدَاهُمَا يَا أَبَتِ اسْتَجِرْهُ إِنَّ خَيْرَ مَنِ اسْتَجَرْتَ الْقَوِيُّ الْأَمِينُ ﴿٢٦﴾

Maksudnya: “Salah seorang di antara perempuan yang berdua itu berkata: Wahai ayah, ambillah dia menjadi orang upahan (mengembala kambing kita), sesungguhnya sebaik-baik orang yang ayah ambil bekerja ialah orang yang kuat, lagi amanah.”

Dalam mentafsirkan ayat ini Syed Qutb mengatakan bahawa seorang pekerja perlu mempunyai dua ciri iaitu kuat dan amanah. Kedua-dua ciri ini hendaklah menjadi teras dalam sistem pentadbiran dan pengurusan di dalam sesebuah organisasi .

Dalam konteks semasa, pekerja yang baik ialah yang mempunyai kekuatan dari segi mental dan fizikal, kelayakan, kemahiran, pengalaman, kesihatan, kecerdasan dan kesungguhan dalam menjalankan tugas. Ciri kedua iaitu boleh dipercayai atau beramanah dalam melaksanakan tugas dan tanggungjawab. Sifat ini perlu diberi perhatian oleh seseorang majikan atau pekerja, tidak kiralah samada kita bekerja dengan majikan atau bekerja sendiri.

## **SIDANG JUMAAT YANG DIRAHMATI ALLAH SEKALIAN,**

Tiada agama paling sempurna selain agama Islam, tiada sesuatu perbuatan yang berharga melainkan amal soleh dan tiada amalan yang bermanfaat melainkan ia dijadikan ibadah. Penuhilah gedung pahala dengan menjadikan semua kerja buat kita sebagai ibadah.

Sebagai seorang muslim kita perlu memastikan setiap perkara yang kita lakukan, haruslah cemerlang supaya pekerjaan tersebut tidak menjadi sia-sia malah menjadi ibadah. Daripada Aishah رَضِيَ اللَّهُ عَنْهَا, bahawa Nabi صَلَّى اللَّهُ عَلَيْهِ وَسَلَّمَ bersabda:

إِنَّ اللَّهَ عَزَّ وَجَلَّ يُحِبُّ إِذَا عَمِلَ أَحَدُكُمْ عَمَلًا أَنْ يُتْقِنَهُ

Maksudnya: “Sesungguhnya Allah ‘Azzawajalla kasih apabila seseorang daripada kamu melakukan sesuatu amalan secara tekun”.

## SIDANG JUMAAT SEKALIAN,

Kesimpulannya, langkah yang boleh kita ambil adalah seperti berikut:-

**Pertama:** Mengenalpasti bakat dan kemahiran yang ada pada diri kita, anak-anak atau saudara sesama muslim.

**KEDUA:** Mengenalpasti institusi-institusi kerajaan atau swasta yang menawarkan kursus-kursus dan latihan-latihan, yang sesuai dengan minat dan kemahiran yang kita perlukan.

**KETIGA:** Menghadiri kelas, kursus dan bengkel yang bertepatan, dengan bakat serta pekerjaan kita bagi meningkatkan kompetensi diri.

**KEEMPAT:** Memastikan kemahiran dan pekerjaan kita, dapat dikategorikan sebagai amal soleh, serta dapat menjana kepada gedung pahala kita.

Firman Allah *سُبْحَانَهُ وَتَعَالَى* dalam surah al-Insyirah ayat 7:

### فَإِذَا فَرَغْتَ فَانصَبْ ﴿٧﴾

Maksudnya: “Kemudian apabila engkau telah selesai (daripada sesuatu amal soleh), maka bersungguh-sungguhlah engkau berusaha (mengerjakan amal soleh yang lain)”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فَوْزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.





## Khutbah Kedua Bulan Februari

2022M/ 1443H

الْحَمْدُ لِلَّهِ عَلَى آلَائِهِ إِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِسَانِهِ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.  
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،  
وَزِنَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،  
وَأَعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ  
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾  
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ، الْبَشِيرِ النَّذِيرِ، وَالسَّرَاجِ الْمُنِيرِ،  
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ  
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.



اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ  
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ  
الْفِتَنِ مَا ظَهَرَ مِنْهَا وَمَا بَطُنَ، عَنِ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ  
عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ  
الرَّاحِمِينَ.

*Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.*

*Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.*

*Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama dan negara. Ya Allah! Janganlah Engkau balakan kami di atas kedurjanaan sebahagian daripada orang-orang bodoh dari kalangan kami.*

عِبَادَ اللَّهِ: إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَائِي ذِي الْقُرْبَى وَيَنْهَى عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٩﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ،  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٢٥﴾